

Aulayukhaq Aihimavingmi

Nutaqqat tiiviirnirlu

Angayuqqaat apiqhuuti qarungnaqhiyut ilitturiyumayaqarlutigli qanuq aktuuhiniatigut tiivimut. Hamma ilihimayauyut tiiviirnikkut ilihaiyit ilitturipkarumayait ilagiinut.

Nakudjuta

- Tiivii ayuiqhautaaqtuq!
- Ivaqhiarutini ilitturiyut uqqahikhautauvaktuq.
- Tiivii ayuiqhautigivaktaat nutaqqat ayuiqhariangita aallatqiinik, nunakkut niryutikkut, alruyaqtuutikkut, nalunaqtunik kangiqhidjutaavakturlu.
- Tiivii nauyurnaitqiyat inuit ilitturividjutaat haluyaangita hilaryuami, halummairrunikkut aihimaviitunikkullu.

Nakuulluanngitt

- Nutaqqat ningaqtuqaqtunik qun'ngialiqpaktut mihigautiyungnaiqpaktut ulurianaqtunik uluriahuutainik aallat.
- Tuqffihulaqvaktut hilaryuanut hilatimingni.
- Akhuunginalirluni ningaumaluni.

Ikayuutikhait angayuqqaanut

- Munaqhivaglutit qanurittunik tiiviimi qun'ngiariakhaa.
- Nakuuyunik qun'ngiaqtakhainik qun'ngiaqtitpaglugit. Aliagiyainik qun'ngiaqtilugu, ukiunganut nalaumayunik.
- Qun'ngiaqtainik uqaqatigilugu huliyaakhainik. Apirivaglugit kitut itquumayut kitullu ukpiriyakhaunngittut. Tuqffiginiaqtainik uqaqatigivaglugit.
- Huliqatigivaglugit nutarat aliagiyaffingnik, pihuuyarlutik nunami, unipkaalutik, taiguarlutik, ulapqiqataulutik ulapqivagmi ulapqiatigilugit ilannait.

Ilitturiyumirumaguvit tiiviirnikkut uvunga pulaarlugu:

<http://childdevelopmentinfo.com/family-living/kids-media-safety/television/>